



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

VI. Vt vespere sabbati omnes ab opere cessent: & cum Iudaeis non habitent, nec cibum cum eis suma[n]t.

urn:nbn:de:hbz:466:1-15625

ANNO
CHRISTI
1050.

tiones sciant. Presbyteri ad nuptias causa edendi non eant, nisi ad benedicendum. Clerici & laici, qui ad conuiuia defunctorum venerint, sic panem defuncti comedant, vt aliquid boni pro eius anima faciant, ad quæ tamen conuiuia vocentur pauperes & debiles pro anima defuncti.

V I.

Sexto vero titulo admonemus, vt omnes Christiani die sabbati aduersperascente ad ecclesiam concurrant, & dominica Matutina, Missas, & omnes horas audiant, opus seruile non exerceant, nec sectentur itinera, nisi orationis causa, aut sepeliendi mortuos, aut visitandi infirmos, aut pro regis secreto, pro Saracenorum impetu.

Nullus etiam Christianus cum Iudæis in vna domo maneat, nec cum eis cibum sumat. Si quis autem hanc nostram constitutionem fregerit, per septem dies pœnitentiam agat. Quod si pœnitere noluerit, si maior persona fuerit, per annum integrum communionem careat; si inferior persona fuerit, centum flagella accipiat.

V I I.

Septimo quoque titulo admonemus, vt omnes, comites, seu maiorini regales populum sibi subditum per iustitiam regant, pauperes iniuste non opprimant, in iudicio testimonium, nisi illorum præsentium, qui viderunt aut audierunt, non accipiant. Quod si testes falsi conuicti fuerint, illud supplicium accipiant, quod in libro iudicum de falsis testibus est constitutum.